



**REGIONE AUTÒNOMA DE SARDIGNA
REGIONE AUTONOMA DELLA SARDEGNA**



COMUNE DI SINNAI

COMUNU DE SÌNNIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

CRANOVALI SINNIESU 2023

Sàbudu 25 e Domìnicu 26 de Friàrgiu s'est afestau su Cranovali Sinniesu. Duas diis de spàssiu mancai s'àcua chi at mudau unu pagheddu su programa de is diis. □ Sàbudu est stètia cuncordada sa parada de is màscaras e de is carrus chi at girau po sa bidda. Trumas de genti ant pigaus parti: coloris, sonus, mùsica ant allirgau sa dii mancai s'àcua e su tempus malu. A s'acabu de sa parada funt stètius nomenaus is bincidoris de is diferentis trumas.

□ Domìnicu est stètia sa dii de su Cranovali traditzionali cun is màscaras de is Cerbus, meris de domu e de is biddas òspitis: Mara, Gàiru, Scalepranu e Tertenia. A meri', a pustis de su giru po is bias de sa bidda, is màscaras funt arribadas in Pratzza Santu Sidori e innoi est stètia fata sa cassa manna. Cerbus e sirbonis curint e benint sighius de is canis e inserraus de is canaxus, innoi is cerbus andant conca a sa sorti trista insoru, sa morti. Difatis is cassadoris cuaus in mesu a su murdegu sparant a is bèstias. Aici comentis in totus is cranovalis ddoi funt is buginus e is malasortaus, chini cumandat e chini est cumandau e est aici e totu in su cranovali sinniesu, is cerbus benint bòcius e a s'acabu is cassadoris afestant.

Essendi giai in Carèsima, custu depia essi s'ùrtimu arrastu de su Cranovali Sinniesu, in cussa dii chi innoi est nada de is antigus "Dòmìnicu de is tròjas", ma po mori de s'àcua sa cumèdia de "Cranovali Mortu" est stètia perlongada a su Domìnicu su 5 de Martzu e s'at a fai in su Teatru Tzìvicu de Sinnia.